

كمنجة

الناشر



الكتاب: كمنجاة

شعر: هالة العكرمي

عدد الصفحات: 104

رئيس مجلس الإدارة

أسامة إبراهيم

المدير التنفيذي

سماح الجمال

تصميم الغلاف

إبراهيم الشليبي

التصميم الداخلي

محمد عبدالفتاح

الطبعة الأولى

1438 هـ - 2017 م

جميع حقوق الطبع محفوظة للمؤلف

رقم الإيداع بدار الكتب المصرية: 21896 / 2017

ISBN: 978-977-838-032-3

دار النخبة

33 شارع السترال - الحي الأول

مدينة الشيخ زايد - الجيزة - مصر

تليفون: 00202 - 38511969

002 - 01288688875

E-mail: alnokhoba@gmail.com

كمنجة

ديوان شعر

عائمة مصرية

هالة العكرمي

النخبة
للطباعة والنشر والتوزيع

إهداء

إلى الذين يسكنون الحروف فتمن عليهم
بمكنونات أسرارها
أهديكم حروفي علّها لا تقف منكم موقف
المتفرج.

هالة العكرمي

لحظة خطر

دَقَّتْ لحظة الخطر

واستجابهُ لِلْقَدْرِ قُلْتُ راضيه

لَمَّا رُوحَكَ

تَبَقِيَ عايزة بس تهرب

من حدودك

جَوْهَ أرواح البشر

لَمَّا تحلم بالوصال يوم وداعك للحبيب

والدموع في عينك بتسبق

كل أوجاع الطريق

ما تلاقيش غير الضياع

والقلم من ألمه فاض بُه

إيه هيكتب بعد سَرَسَبَةِ الأنين؟

وإنت تايه جوًّا مِنِّي من سنين
والوطن بايت حزين
لسه خارج من جراحه
فأيتَه فيه طعنة صباحه
واصلَه للعمق المبين
لسه محتاج النقااه
تلتئم فيه المحبة
ألف عام مروا علينا
و احنا في نفس التابوت
إيه جراك يا حبيبي و الوطن ماله حزين؟



شاغل روحى

ممکن اكون مهزومه في حبك

وانا جوايه بشاير أنس

ممکن اكون مهمومه فُ بعدك

بحتاجك كشروق الشمس

او محتاجه في لحظة لُقربك

يومي وبكره ويمكنُ أمس

ياللي بتسيح شاغل فكري

شاغل روحى شيء يتحس

انا شيء نادر شفته في عمرك

زى السحر وزى المس



تايهه

أنا سَجَنَاك في قلبي
و ساجنه قلبي جَوَا فيك
لا انا قادره أهرب مَنَّا
و لا عارفه ازاي أرضيك
يا حبيبي فين وصالك
مشتاقه لنور عينك
فاتت أيام و لسه
روحي أهى بتناديك
سألت كثير حدودك
ليه تايهه ما بين ايديك
لو يظهر فجأة طيفك
فُ ثانيه مش بلاقيك

هو اللي يحب يقسي؟

دا حبيبك روحه فيك

فيه حد خد مكاني

مَلا الدنيا عليك؟

ااااه مِنِّك يا أَنانى

يا خسارة حُبِّي ليك

قلبي العاشق جَرَحْتُهُ

بالهجر و بإيدك

مهما تبعد ولا تقسى

أنا قلبي مَش ناسيك.



كحك العير

قالوا زمان

الكحكة في ايد اليتيم عجمه

وحظي إني يتيم لاشفت الأب و حنانه

ولا سمعته ولا سمعني

ولسه عايشه بتمرّج

ما بين شطين

ونفسي حد يرجع بي لأحضانه

ونفسي أرجع لحال الحب ف زمانه

ونفسي أمسك بعزم ما فيا ف صباعه

ولا أفكر ولا اتخير

يفرحني بلبس العيد

واستنى عديه فلوس

معاها بوسة ع الخدين

قالوا الكحكة في إيدين اليتيم عجمه
وما فهمتش ساعتها ليه
غير لما مسكت الكحكة بإيديا
أخذها الموت
مايين متعتها ف عنيا
حاولت أنسى وقلت أعيش
والاقي الحب في الهامش
لكن ما الاقيش
وأقوم من نقره ادحرج بعزى جوة دحديرة
كأن الدنيا فاكراني وناسيه كل من فيها
بتسقينى كاسات المر واشوف الهم ف عنيتها
ياكحك العيد
ما كنت زمان بتسعدنا
تلاعب قلبنا الفرحان
تعيش الحب ف بيوتنا
ياكحك زمان
وتجدلنا ضفاير فرحه بين ضحكة شفايف فارده
فوق ملين على الخدين
معاها رشتين سكر

ولفة عود فانيليا ناعمه في البسكوت

أهين ياكحك يامسقي آهات !!!

وجرح بيقتل الفرحة

مايين توبنا كفاية غدر بقلوبنا

مايين القلب نار قايدة

وعيد يبجي وعيد بيروح

خلاص يمكن مافيش فايده

ياكحكة حلوة مرشوشة

أتاري الفرحة مغشوشه

و جيتي غلطي ف معادك

وأنا ف صيام عن الزواد

فروحي لحد متهنى

بحضن أبوه

مايينكم عز ياكحكه وهنا ووَدَاد

ولما أبقي في الجنه في حضن أبويا ياكحكه

ف بينا معاد

جناح بُّكره

هات حلمك على حلمي
وعيش اللحظة في قربي
أمل تمسك جناح بُّكره
لو الرجلين على الممشى ما يبساعدوش
نبدلها بعجل يجري
تشوفنا واحنا بنسابق سحابة صيف
بنكسر عجزنا ونضيف
وبنهزم سواد الليل
نشيل غمامة الانكسار
ونتمسك بخيط النهار
نقاوم وجع عيون الناس
من حق نور الحياة يعيش في قلوبنا
يلمس نظرة تفاؤل و يدوس على الآلام

الفرحة وليدة اللحظة

يا تتمكن منا يا تهرب بالعجل

الحلم كان صغير

إني أرقص باليه وأطير في بستان روعي بفستاني

لون قلبي وبلوزتي الخفيفة أبيض

بلون القمر وظابطه تسريحتي زي فراشة حرير

أنا قادرة أجري برجليا وإن كانوا على عجل

وألف ٥٠ لفة واسابق الزمن

يامتحمدي الإعاقة بالعزم والإرادة

أنتم نبع الريادة أنتم شرف العمل



نور الضل

صباحك طائر

فوق ضفاير

قلب داير حوليه

مع خيط بشاير

حب ساكن في عنيّه

غرام طارح سنابل بمطرحنا

على الخدين بقبلة شوق تفرحنا

وتتوضى بنور الضل من روحنا

وتسعدنا .. تهنينا

فتتوحد ملامحنا

انا وانت مراكب شوق

بتجري في موج تسايحنا.

تحت المطر

انا وانت تحت المطر تغسلنا قطراته
ننسى كل اللي فات م الهم وآهاته
حبيبي ياعاشق الروح
عاشقه في شتاك زخاته
مادد حنانه جناح
وخدي لسماواته
يا ريت يامطر تحلم
مع كل زخه تحدف للقلب دقه
تدفي الروح بمحبته
ف يتكلم في عز سكاته
بجبك كما الانسام
روح يا هوى
فوت على الحبيب هاته
ف يروي ليل العطش
تحضني نسماته .

بعد الفراق

القلب فاق من غفلته

ساعة ماراح الحلم

ف لحظه ماتت بسمته

رعشة إديه اتبعترت

وانا كنت لسه لمساها

نظرة عنيه اتغيرت

وانا لسه برموشي حساها

القلب شايف خطوته

و انا كنت لسه مشياها

طب اعمل ايه في الهوى

وانا لسه عاشقه غنوته؟

اهل الهوى

يا اهل الهوى هو الهوى حاله كده

نعشق ندوب في بحور غرام

وتشيله ربح كده في الهوى

طب والقلوب مالهاش دوا

ولا انكتب على كل عاشق دا الفراق

وبراح سماه في عيونه ضاق

والشوق يموت من لهفته

ما تقولوا فين راح الهوى يا اهل الهوى؟



زينة المِلاح

قلمي بينزف م الجراح
من قلب سكه مش براح
ملم جث مترصه
متغلقة بدم البراءة والنواح
و المسك فاح جوه الوجود
وبسرعه أذن ع الفلاح
عندي أمل الليل يغور
وكفايه دمي في العروق عمال يفور
على بنت حلوة مروقه
متزوقه
زينة الصبايا والمِلاح
كانت عفيّه أبيّه صامدة ع الطريق
عايزة تصون شمس الشموس

من ليل سواده بيتولد بين مغريه مضببه

عايزه تشبُّك ف الإيدين

تخلص كمان م المحسويين على قلبها

عاشوا في نني ننھا

باعوها وقت البيع رخيص.



من الالاد

مين يشترى العمر مني وعليه شوية محبة

مين يسعد القلب يوم ويكونلي كل الأعبة

مين يبيعلي الفرحة مين

متلونة بياسمين و فضّه

متعطرة بدمي ومزينه الطرحه

مين اللي شاريني

للحزن ما يبيعني

يا مين يمسخلي دمعتي و يحلي مُرّي

و مراري يحيلني حزني

و همومي بالطبطات

ع الجرح يمسخ لي همّي

ويجيبلي عمري اللي فات

يحميني و يصون ولادبي

ك النهر مالو مثيل

يا نخلة فوق في العلالي

بلحك مش للغريب

صفصاف يا ساكن في ضلي

هواك مزين الترعه

حاسب على القلب حبك

شبك هواك الي شافك

يا اخضر في حضنك ملاذي

ياجنة الأوصاف

ألا اونه رنه برنه

مفيش مزاد الليله دي

ولا يوم اقدر أبيعك

لو حتى بـ التبر الاحمر.

عشق الروح

بيني وبينك عشق الروح

والأسرار في العين بتبوح

لو راح نقفل بابها يا عمري

تتشبَّك بالدمع الروح



حبايب

اسمع لأمر الحب وشم ريح الحبايب
افتح ببيان القلب دفتر حنيني اللي غايب
أحضن ندى فجرِك وانسى أسي عمرك
كل اللي عدَّا ومَرَّ
عَسَلُهُ غرام دايب



عقلي ناداني

وإيدنا اهدت بالحب

ساكن جوه الروح والقلب

والأمل العايش طول عمره

بينادي ويصرخ من صبره

عقلي ناداني

وقالي دي حيره

ليه الغيرة دي مابتهداش

حتى جراح العمر وألمه

وقفت ع الشباك تناديني



وايه يعنى

وايه يعنى اما روجي تروح لبستانك

وقلبي يزوق دنيته ويتغنى بألحانك

وييجي الحلم يتحقق ويكبر بيبك

ويتنفس عطور حبك بشوق لياليك

انام واصحى الاقيني في حضن عنيك



تنهيدة

تنهيدة وراها تنهيدة تُجر حاجات
 أوقات فكرة تيجيني جديدة
 تحفر لمكانها في الذات
 ممكن تبقى بجد مفيدة
 من غير غيره و لا أنات
 وسكوت يقتل يخنق روحك
 ومافيش بره البيت نسمات
 غني واكتب مع أصحابك
 بعض العمر صَبِحْ حكايات
 عمرك مر يومين اتنين
 جوه محطه بدون قطارات
 ماتوقفش الدور تستنى
 إملا حياتك حب وفرحه
 وإياك تبقى الإيد الجارحه
 وزع حب على الطرقات
 وإن لَأَمَكُ حد ف روح قوله
 مرحب بيك أهلاً سلامات
 أشطب خالص من حساباتك

كلمة كُرْه وِجلد الذات
سبب الروح تسبح في فضاها
عَيش نفسك ك العايشين
لحظة عمر ويمكن شابت
قَدِمْتِ ضاقت فُكُ الرُّزْمه
وانزل هات احلى مودلات
اضحك بس وخلي ساعاتك أحلى ساعات
وبلاش دقة خوف تتجن
فد تبعتر اجمل لحظات
أصحابك فرحة أيامك
طب كم سنَّك
إنسى زمانك
أصله بيقسى و ينسى الحب
يمكن دا ف بعض الأوقات
وإن حُبك خانك ما تخونه
بس ارميه ورا ضهرك مات
قَدَامك مليون مشتاق

خده بالحضن وتبَّت فيه

وبسرعه اسجد في صلاتك

رتل آية ذكر الله

واياك تنسي الفضل وصاحبه

واتنهد اجمل تنهيده

و اتغنى بأحلى النغمات



زى ضلك

الجمال ف عيون تحبك

تعشقتك تتمنى قربك

مش مجرد شكل باهت

تظهره شوية رتوش

روح خفيفه زي ضلك

فين تروح تلقاها جنبك

نظرة تاخذك من مكانك

تبقى احلى يوم في عمرك

حب يسكن في الوشوش



صباح الفجر

صباح الفجر اللي طالل من تحت خصلات الجفون
 صباح بالحب متوزع بلون الفرخ ومشقشق
 على ناس جميله
 فُ عُمَرها ماتخون
 ومتقسم بعود الصدق
 فوق نعمة زقزقة عصفور
 سامع شدوه ب ينشيني
 ويصْحِي الحلم ويرويني
 بنهر الشوق
 خطوط النور على جبيني
 بتحييني
 تصبرني ب شوق وأمان
 تموت القسوة ع الأغصان
 منا أصلي سنا بل قمح
 منا أصلي شعاع من نور
 مادام القلب متخير
 وعين بترش عطري عبير

عطر ضحكتك

جمال الورد يفتح بمحبتك

والسعد يندهك لو تاهت سكتك

يا بدر بضيه غلب كل البدور

تفرح الدنيا معاك وتعشق ضحكتك.



عايزه من تاني

تسلم لي
 تسلم روحك الي بتحبني
 وعنيك الي شايفاني
 وصدرك لما يضمني
 وايدك الي لمساني
 اشتاق لضحكك تشدني
 واسمك ينطقه لساني
 وهواك بيغويني عشم
 واحلامك بعيشها وهي عيشاني
 سهر حبك في عين عيني
 وقلقك لما بتدور ما تلقاني
 ونبضك لحن يحيني
 ف اقوله عايزه من تاني
 احبك وانسى عمري هناك
 على شطك في نسمة عشق شغلاني
 احبك نهر م الجنة
 و خمرة بس رباني.

متزينة بالقمر

شيل رجلك من ع الأرض تلاقي سعادة وهنا
ولف بطول وعرض جوه دواير ممكنه
احلم بإن في ايدك أجمل نجوم السما
متزينة بالقمر لابسه خيوط الشمس
عاشق في عينها السهر وليلها دايب همس .



بليز استوب

قل للحب بليز استوب

أنا مش أد حنين القلب

ولا قد فراقك وبعادك

ولا ح اتكعبل يوم وأطب



الجمال

الجمال ف عيون تحبك

تعشقتك تتمنى قربك

مش مجرد شكل باهت

تظهره شوية رتوش

روح خفيفه زى ضلك

فين تروح تلقاها جنبك

نظرة تاخذك من مكانك

تبقى ليك احلى ابتسامة

حب يسكن في الرتوش.



مصلوب

نايم ما بين الحروف
وسحر المعنى دا قصادي
انا المطلوب وكانت فكرة بتنادي
بأعلى صوت ولد ضاعت حروفه الناحيه دي
في وسط الخوف
مصلوب وناياته مصلوبه
بدمع العين
رغم الأسى و رغم الهموم
لسه الأمل منه ما مل
ولا يوم يأس
و لا يأسه على زنزانتة طل.



يا فُلُّ

و ليه يا فل تشغلني
و ليه عايش بعيد عني
احبك موت و تعشقني
وعنك قلبي يسألني
واطنش قلبي يوجعني
ويتهرَّب إليك مني
وليه يا فل خليتني
اسيب أهلي
واسيب ناسي
وأحن لعطرك النادر
واحساسك يدوبني
ولون الفجر في عيونك يصحيني
ويجذبني
و ابات في جمر أشواقي
يوديني ويبجيني

ويهمس سحرك الفاتن
ويغويني
ويروي زهرة الصبار
في تكويني
يا روح الروح ويفتني
تغيب عني وترجع لي
تصحّي حنين بيألمني
و يمكن بشبهك جاز
و جاز انت تشبهني
يا فل يا كامل الأوصاف
يا ساكن جوا في النني
أنا من يومي بشتاقلك
تعالى لي و طمني
و كون النبض في عروقي
و كون الرمض لعيوني
و كون حر في واحساسي
قصيدة و ريشة ترسمني
انا عاشقك يا ضي العين
فَإِوعَى فِ يَوْمِ تَغِيْبِ عَنِي

أنا فعلا كنت بهيه

إياك تزعل مني
 دا انا شيلاك ف النني
 بس بخبي عليك
 وبجمد قلبي تملي
 من صغري بَسَبَقَ سَنِّي
 وشايفه هواك في عنيك
 لوتزعل مره تجيني
 وبسرعه تجي تحكي لي
 وساعتها اطيّب خاطرک
 واتبغدد تاني عليك
 بتقولي ضعيف قدامك
 وبدوب من سحر كلامك
 وعاييزني اصدق ليه
 دا انا عشت العمر بحاله
 بسأل إيه اللي جرى ليه

يتغير كل شويه
ويسيبني اسال ده ماله
وكأني الحيطه المايله
اللي عليها بيرتاح
ولما يعوزها ف يوم
بينادي و يلاقيها
انا صابره ومداريه
عن اهلي ومخبيه
لَ فُ يوم بيان عليه
ف اروح عند ابويا
انا بنته بعد شوقه
يعمل م الحبه غضوبه
طول عمره فرحان بيه
قبض ع البتنجيه
لما قالت له دي صبيه
شالني ولف بيه
وعمل لي زفه جميله
بحصانه والعرييه
من يومها قال لي بهيه
وانا فعلا كنت بهيه.

..... رمضان

عاوز تعيش مرتاح البال
 صفي ضميرك والنية
 جدد ثقنتك في الرحمن
 جاهد نفسك حصن روحك بالقرآن
 شهر عبادة ورحمة تنولها
 تلقى معاها كهان غفران
 اسجد واركع وادعي لربك
 سبح سبح للرحمن
 يعتق بدنك
 تنجى بنفسك م الاحزان
 إحرص لما الليلة الهامه
 ييجي معاها ملاك غفران
 صلي وزكي
 إخشع وابكي
 اسكن محراب العدنان
 شهر و هجري
 طالع يجري
 إلحق فيه رحمة وغفران

ألا اله - القدر

ولما قال لي انه سافر
 ساب ليلى بيعانى السهر
 و عيوني بتناجى القمر
 اتاربه بروحه العنيدده
 فاتني ف سمايا و هجر
 و اختار لغيري نجومه
 و عند قلبي ما صبر
 غدر و باع اللي شاري
 و ع البيبان وقف انتظر
 مخدوع يا ريته كان صبر
 عايش على الوعد الجميل
 مستني يرجع كالقمر
 يحضن عيوني، يضمنى
 يحلف بشوقه ما غدر
 بدموع عيوني والسهر

كنت ف عينيه كل المنى
 والليل حضني بالهنا
 نجومنا ترقص للسحر
 و يقولي اني دينته
 واني ف عينه أحلى البشر
 (آآاه) م القدر
 لما يباعد حلم عين
 دابت حنين
 ودموع تجرّح في الخدود
 و تنادي ع الايد الي ارتعش فيها السؤال
 طوّلت ليه؟
 يا ما حلف لي انه بيعشق بسمتي
 ومعهاا بيحس الحياة
 من بسمتي
 و ان الحياة في البعد من غيري خطر
 و كنت اصدق
 و كنت بمسح له الدموع الي ف عينيه
 لما كان تايه وحييد

و أداوى قلبه اللي انكسر
يخرج من الحيرة و من شكه العنيد
يطلع وليد متهني بالعمر الجديد
اللي ابتدى بلمسة ايديا
و طبطة روى عليه
دلوقت جاي بيقول سلام
خلص خلاص بينا الكلام
وانتهى معاكي الغرام
فيه قصة تانيه نسجتها
والبطلة حببتها أوام
مركز وعيله وانسجام
القلب من حزنه انفطر
ولا عاد يفيد له كام روشته
أو كلام
هي القضية ماكنش حب
كان وقت ضايع للتسالي
مسرحيه و فيلم صعب
طيب خلاص مع السلامه

لكن أمانه ما تنسى يوم الذكريات

خليها جوه قلوبنا حلوة

يمكن زمانك يجرحك

مع بنت حلوة

ابقى افتكري في اي غنوة

دموع حزينه

مع ان دمع الكون بحاله مستحيل هيرحك.



برواز

مافضلشي غير برواز
 وصورة مقطعه
 وشوية ذكريات
 متشوهه بضي الخديعه
 بين ندم على حب راح
 وانتباه
 بعد الجراح ما انفتحت
 ومنين أجيب الصبر؟؟
 من أيوب؟؟
 ده خد كل الصبر معاه ومات
 وبقسوتك
 راجع تقولي ارجعي
 إيه الي ممكن ابتديه
 بعد اللي فات
 كانت بتحلى معاك دقائق عشتها
 بعمرالساعات
 دلوقتي
 فات في عينيك ماضينا وانتهى

وراح العمر ع الفاضي

مايين بسمة

بسرعة تهرب م الشفايف كاس

وقلب خايف من كلام الناس

يجر بغدر أوهامه

دموع الليل

ولا شايف مدى الرؤيه

ويبقى الصمت نار قايدہ

والقلب تملاه الآهات.



رتوش

الوشوش
محتاجة لشويه رتوش
والحقيقة والطهارة
فارقت الوش البشوش
ماتقولش انك شخص طيب
وانت قلبك قلب ميت
انت فعلاً ماتعرفوش
فوق عينيك الفين قناع
شيله من عينك وشوف
مين ساعتها راح يحبك
والي كانوا لك جيوش
هربوا منك
لو تداري ف يوم فلوسك
يجروا من جنبك بسرعه
ويقولولنا ما معهوش.

ملا محك

ملا محك راحة نفسيه
وصوتك بلسم للروح
نَفَسَك بيدفي لي قلبي
ويغني لي لحن البوح
يا اللي بتملا سحابة عمري
أمطار عشق وشوق وغرام
إنت زهرة فُدُ بستان روحى
إنت شهد وانسجام
يا أميري وتاج على قلبي
يا حبيبي من زمان
وَصَفَّ الهوى وَيَّاكَ اسطوره
لحن بكل لغات الكون

مش بالاقى حد ف زيك
حلم وحكمه وقلب كبير
وأنا حيرانة ف وصفك باسهر
طول الليل و اتمنى لقاك
البوسه لشفايفك رحلة
بتمنيني بوصل حلال
نبع حياتي بحبك وانت
انت الغنوة والموال.



رشفتة شاي

حتى في شايك تشبهني
وبقطع السكر الدايبه ما بين الرمش والنني
وبرشفه جميلة م الفنجان
أدووووب تحنااااااااان
تسقينى رموش عينك
وأتوه من رشفه ورا رشفه
حنان وحنان
و اطلب كمان تِسْكِرني
سُكَّر خفيف
و اقلبه بروقان
و اسرح في همسك
والكلام يحلى
ويزيد
ما هو مش جديد

انك تحليّ طعم المر في الأيام

تسقينني من شهد غرامك

و اسرح أنا في ربيع حنانك

بوردة حمرا ملونة

وحضنين أمان



باب بيتنا

أنا الشوق الي ساكن بين الرمش والنني

يرمي ضله على حلمه ومستني

أتاري الواهم كان حبك

وانا شايفك

وانا حاسك

واقف تغني للشباك

محبتنا

وباب بيتنا

بتنده له

وبتشاغله

بس الباب قفل حاله على حاله

وصلى العيد.

ضحكتك شمس

اضحك تضحك ليينا الشمس

يفرح بيها قلب الكون

تملى الدنيا حب وضي

وعنيك تحكي لنا الحواديت

وتغني لنا يوم العيد

عشقاك كل بنات الحي

انا مجنون تايه و حزين

ماشي لوحدي ف ليلى وحيد

باستنناك وبغني خي يا خي

بين افراحي وبين احزاني رايح جي

الله ياطاقة نور لعيونا

تشرح قلب بتول وتقول

قلب حبيبي ماله زي .

يناير

كل يناير وانت جميل
ساكن قلبي والتفكير
ياللي بنور الفجر ساحرني
دعوة دي مني بظهر الغيب
يحميك ري ياللي شاغلني
ومسهرني طول الليل
ورد الحب يفوح من سيرتك
نجمة بعیده تهل عليا
بتطمني انك لي
وان عينيه كمان شاغلاك
وان رموشي كمان اسراك
ما انا طول عمري بشوق الدنيا بستناك

بعرف ان حياي اكيذ كانت نقصاك
وان حروفي ناقصها نُقَطْها ... اللي معاك
والحركات من غيرك صامته
والإحساس
الأول انت فُ ترقيمي
نقطة في محور اهتماماتي
مابتبعدهش عن تفكيري يدوبك لحظة
وحروف اسمك أجمل نغمة
و اجمل لفظة
منقوشة بـ مِيَّة ألماس
ملموسة بصوتي اما بقولها
انت وبس يا كل الناس
ووجودك في حياي أساس



عيونك

اعزفني ياناى زيد فى الغنا
و رجع عمرى اللى فنا
ما بين حقيقة و وهم عايش جوه حزن و ضنا
اساوىك بحد
وإزاي اساوى نفسى بحد
وانت حبيبى و مالك أد
وانت شارينى
ومهنينى
ومنسينى بحور الهم
ومخلينى
بعد الثانية عايزة أشوفك
مرة و ثانية
علشان انت عندي أهم
الله يخلى عيونك لى
وتدوقنى حلوة الشهد

يا اللى حياق بك بتغنى
وبترقص على عطر الورد
آه يا حبيبي
عايزاك تعرف
إن انا قلبى صاين الود
ما أنت عشاني
حبيب وقريب
ومعيشني بحور السعد
كنت انا طيرك
ويا وليفك
وانت حبيبي وأول بخت
والبخت بحبي
دا حليفك
لما قعدنا في يوم مع بعض
يبقى إزاي تساويني بحد؟
ولأ تشوف غيري بعيونك؟

يا اللي الليل من عشق سكونك
و نهاري بيرقص على لونك
لما اناادي عليك القاك
سابق عمرك جوه هواك
وتلبي الفرح اللي بقلبي
وتخبى همومك وشجونك
وتركبني بساط الريح
وتعيشني في ربيع يومك
مانت الروح اللي تعيشني
وتقربني من سما كونك
وانت إزاي تتساوى بحد؟
بس بجد ...
عمري لك
ولا يوم ممكن اقدر اخونك
ما أنا مجنونك
حبك حصن كبير ومنيع
عامل حد و رافع سد.

طُول يَمَّاكُ

أنا بحرك

ضفاف نهرك

أنا العاشق سنين ضمك

أنا بروحي أشيل همك

أنا ماضيك

وانا الحاضر وروح الروح

معاك على طول وطول يمك



تسالى

لما برودة الدنيا كلها تجري ف روحك

لما بتصرخ وماتقدرش تمنع نوحك

لما تلف دماغك بيك

والصداع عمال يداديك

ويطبطب ويحايل فيك

ومافيش أكل يسد ف جوعك

لحظة ماتضلم حوالبك

اعرف إنك محتاج لب

أوترمس لجل يسليك.



ليه يفيد

إيه يفيد البكا مادام حبيبي بعيد
 بتقلب ع الوجع يقوم لهيبه يزيد
 يامين يجييهولي تلمس هواه الأيد
 وأضمه بعيوني وأحبه من جديد
 أصل الغرام ف قلبي طبعه كده عنيد
 لا كلامكم عنه يآثر ولابعده راح يفيد
 أنكتب عليه حبه وف روجي جمره يقيد
 لحد مايجيني يسكن في قلبي و الوريد
 ينبض تاني بيومي وارجع من جديد



الفراق

يامجربين الفراق ايه رأيكم في الحب؟
مر وضنا وعذاب ولهيبه يكوي القلب
ان شفت يوم هنا باقي الأيام في غلب
غيابه جنن عقلي ماليش غيرك يارب
قلب تاني القلوب وماحبش تاني حد



البحر

البحر بيداعب فيّ
 لما حضنته في الصبحيه
 جرينا ولعبنا مع بعض
 جت موجه بحب وحنيه
 والثانية جت خببطت فيّ
 ودموعى غرقت البحر
 طلعت من قلبه جنيه
 همست لي كفاية يا شقيه
 من قبل الفجر وانا ف حضنه
 الموجه شدت فستاني
 شدتنى و قالت من تاني
 لاعييني و بدون ملاغيه
 ادتنى من رغو الموج
 كام موجه مشتاقه لذكرى
 ومعها الرملة المبلولة
 بتميل على خدي وبتهدى

وبتحلف بسنيني الصابرة
يمكن قلبي ف لحظة شوقه
يتمنى ويعيش الفكرة
انا ماشية
مش ح ارجع تاني
سايه هدوئي ف ميه ومالحه
يمكن تنفع يوم لوضوئي.



عيوننا العسلي

آه من عيوننا العسلي

كحلها الهوى

زاد من جمالها قوي

شوق قلب ما ارتوى

الله يجازي السنين

قتلتنا من كتر النوى



الرتاع

مش عايزة أعيش ف بيتك

مش عايزة أسكن معاك

أنا أصلي راسمه طيفك

من قبل ماشوف هَناك

أو احس بشوق ماليك

ولا عايزة أمسك إيديك

نبضك ساكن وريدي

و لُقانا مش بإيدي

لو اعشق انت عاشق

و الود فُ روحنا راشق

بورود متزوقة

يا بستان الأماي

يا سيد الأشواق

يا فرحة مداريه
لما تشوفك عنيّه
تحلى الليالي بيك
وادخل جواك في عيدك
اسكن روحك و أزيدك
من بحر الود قطره
واطل من شبابيكك
ياللي سحرك هواني
أدمنتك و انتهيت
من قصة حبي ليك
ف ارتاح على صدر قلبي



عسل توتك

صبح الصباح مرتاح
يعزف لنا انغام
تنقش حروف سعدك
وتكون ندى يروي
يا اللي الزمن خلأك
أبات وأنام واحلم
لما رأى نورك
متعطره بصوتك
مرسومة جوا قلوب
لشفايف المحبوب
جوا القدر مكتوب
واشرب عسل توتك



فى القلب زرعك

بحب الشتا واحب السهر
واحبك لىالى اكتمال القمر
عيونك حبييتي وبزرع ورودك
على غصن عودك
واعزف خلودك
و نيلك ف حضني
آسرنى ومالكني
بحبك وجودك
وليل السمر
وزرعي وزرعك
وفي القلب زارعك
واديني راجعلك
بلاش السفر

وحيرتي بدونك
وعشقي سماك
لا عمره يخونك
تصوني يصونك
ولا عمره يقدر
يعيش يوم بدونك
وقربك سماحه
و نهرك دا راحة
بيروي جنوبي
وبين الحواربي
لقيتك مدينتي
وصنتك وصنتي
يا بر الأمان
ونبع الحنان
هواك هوايا

ومن صغري عايش

حنانك معايا

و اجود له بعمري

واسلمله أمري

عشانك يا روجي



طيفه

يوم ما نادى وقال بحبك

نامت الأحلام في عينه

خلى قلبي يناجي طيفه

رمش عيني يعيش سنينه



هيل

صباح الهيل ويَا الزعتر

والقهوة ترقص تتمختر

الريحة تسكن بمشاعري

قلبها تزوّد لك سكر



مساء الخير

مساءك فرح وسعدٌ وخير
 زي القهوة ماليها الهيل
 تعدلُ يومك تظبط نفسك
 قلبك يرقص زي الطير
 يسهر على نغمة أحلامك
 مستنيك في هدوء الليل
 ثومه تغني سهران وحدي
 وانا وياك طب شوف مين قدي
 تسعد روعي بروحك عندي
 لحظة حب وشوق لهواك
 ترجع تاني ويا آهاتها
 لحد ساعات الشوق ما تفوت
 تصحي آهات الليل و تغني
 يا اللي وحشني حضورك مووت

خايفة

إمتى ألاقي كلام و أقوله
ولو القاه ما اقدرش أقوله
يمكن في حياء يمنعني
أو خايفه قلبي يوجعني
أو تتجنن لو تسمعني
واسهر ليلي ما انامش بطوله
نفسى كلامي يغني بحبك
يوصفلي احساسى في قربك
و يولع بهوايا جنوني
وعيونك تحضنها جفوني
والقلب المتحير فيك
يظفي بحبك جمر شجوني
ولا يتحمل مرة صدك
ولا يقدر يتحمل بعدك

لها لاشتاق

لما اشتاق لعنيك الحلوة
ولهمسك يا ابو قلب حنون
وأحب اسمع غنوة ف غنوة
ونحلق ونلف الكون
وأما ف نهر الحب نغوص
نسكر منه ومش بنفوق
ضمة حب لأجمل قلب
نحضن كل الدنيا بشوق
باحيا جوا ف دقات قلبك
بالمس كل نجوم الكون
وأما تسافر مهما تسافر
طيفك جنبي بصدر حنون
وأما انادي دقات قلبك
يكمل كل كلامي سكون

ينطق إسمى ساعتها بحبك
يا اللي بتسكن شكلي ولوني
انت حبيبي اللي اتمنيته
عشت وباحلم يوم ألقاه
وف جنة حبك تنساني
كل دموعي وكلمة آه
دا كلام قلبي
من يوم حبك
من أول ما ملحت هواه
اجمل شيء في الدنيا وعمري
لما الفرحة تملى عنيا
والشوق يصبح ساكن في
متعديش ولا لحظة بقربك
إلا بفرحة وشوق وحية
وربيع يفرش كل الكون
وانسى معاه البرد وآه

سابين لانتك .. وبين لاني

وزي ما شوفت صورتك في مرايتي

نفس رَسمي ونفس نقشي

بخطوط عريضة مقسّمه على جلدي

وعلى وشي ملامح وشك

الدايبة في تكحيلتي

ولون رمشي

وتحت العين

وخَد الورد تدويرتي

ولحظة انفعال عندك

هنا عندي

واداري كل شيء فيّ

ويقتلني حنين ساكن بضع

وكان أساس منك

بقى مني

وحر في الشادي من لهفك

باحساسك بيكتبني

واضيع منك في دوامة ما بين انك .. وبين إني



حلوة مع ناسها

عمر الإنسان مايتحسب بالشكل أو باللون

اللي يقولك غير كده يبقى أكيد ملعون

ماعرفش الإنسانيه ولا حس قلب حنون

عايش معشش فيه حبة هبل وجنون

الناس بحسن الخلق وجمال في إحساسها

مطرح تروح تلاقيها حلوة مع ناسها

وشك بشوش مبتسم يحمل هموم الكون



دموعك

إسأل على روحك و طبطب عليها

ح تموت أوجاعك و مش ح تلاقها

ماحدش ح يمسخ دموعك بدالك

ولا ح يتألم لو شوك كان مالها



كان يجري ايه؟

يوم الوداع
القلب ضاع من لهفته
وشوقه عليك
ومركبي من غير شراع
تاht أوام في موج عنيك
كان اللقا هو الوداع
من غير ما قلبي يحس بيه
الفرحه تاht في الزحام
والنفس تعبت م الملام
وكل واحد ساب ايديه
كان يجري ايه؟
لو قلبي عاش
الحلم زي الناس بجد
كان حبي ليك هايعيش كتير
اكثر كتير من اى حد

اشتاق لحد !!!

لو كنت عشت فُ قلب

خُد قلبك معاه

وأما اهتدى للعشق تاه

كان قلبي

غنى للحياة

مشوار طويل

مايقفش لحظه في الطريق

تديله منحه وطوق نجاه

كان يوم لقاك هو الفراق

مات الحنين في الاشتياق

ليوم اشوف فرحة عنيك

تنده على فرحة عنيا

وابقى ليك

وتبقى ليّ

وهمسة الحب فذ عنياً

ازاي اداريها عليك

فضلت بين الالتياح

والارتباك

واتاريك مقرر للهوى

لحظة وداع

يمكن تكون قسمه ونصيب

أو إني اكون مانيش حبيب

وانا كنت ليك اقرب صديق

ناوي يكمل في الهوى

باقي الطريق

لكن طريق كذب وخداع

من غير حنان

خبط على بابي الوداع

الفنجان

ح اطلعك في الفنجان

زى ما انت طالع لي كمان

وان خلصت منه القهوة

ح اسقيك من روعي حنان



سنابل

يا مركب الأحباب عَدِّي

على قلبي هنا هَدِّي

منين يروح حبيب الروح

أنا معاه على وَعَدِي

يا سنابل شمس الأصيل

وقت الغروب ديمًا تميل

لعيون حبيبي بتصلي



يشهر عليّ زماني

محدث حيسكن مكانك
ومين دا اللي يسكن في قلبي
و حبك بيسحر كياني
ولو حد غيري ف قلبك
يعشش وياخذ مكاني
انا بردو قلبي بطيبته
وطييتي هاعيش مخلصالك
ويشهد عليّ زماني
ولو حتى يوم كنت قاسي
انا عمري ما ح اهوى بدالك
ولا راحه اسيبك و لا انسى
حناني يحضن حنانك
دا حبك يجري ف حواسي
و عايش في روعي وكياني

لكن لو تأسى عليّ
وتجرح كرامتي وقلبي
ما اقدرش اسامح واعدي
ولا يصلح قلبك زماني
ولا روحك تقدر تطولني
مهما تزيد الأمانى
بعدي في بعدك عذابي
لكن كرامتي الأبية
تنسى لك عشرة سنينك
وتعيش في لحن التمني
نغم و اشتكيك بالأغانى



ساعة الحظ

يا اللي بتضحك وقت كتير
 خلي لعقلك يوم تدبير
 عمرك ساعة
 اجعلها في طاعة
 تعطي القوة وياً مناعة
 واياك تنسى إله غفار
 وإلزم دائماً الأستغفار
 جزء فذليلك، طرف نهار
 ادعي ربك قوي من قلبك
 وارفع ايدك كدا بقناعه
 أعطي لقلبك ساعه طاعه
 واحكم نفسك الطماعه
 ساعة الحظ ماتتعوضش
 مع ربك تنمو وتزيد
 وتعيش دائماً عمر سعيد

راحة بال

فيه ناس ماشيه جنب الحيط

عايزة الهدمة و رزق حلال

عايزة تلاقي علاج لمريض

لو يوم حس بوعكة و مال

رافعين اديهم دايمًا فوق

طالبين سَتر و راحة بال



اساويك بجر!!!

وازاي اساوي نفسي بجد
 وانت حبيبي و مالك قَدْ
 وانت شاريني ومهيني
 ومنسيني بحور الهم
 ومخليني بعد الثانيه
 عايزة أشوفك مرة وتانيه
 علشان انت عندي أهم
 الله يخلي عيونك ليّ
 وتدوقني حلاوة الشهد
 ياللي حياتي بيك بتغني
 وبترقص على عطر الورد
 اه يا حبيبي عايزاك تعرف
 إن انا قلبي صاين الود
 ما أنت عشاني حبيب وقريب
 ومعيشني بحورك مَدْ

كنت انا طيرك ولا وليفك
وانت حبيبي وأول بخت
فاكر لما خدتنا الدنيا
لشط العشق وبحر السعد
لما قعدنا في يوم مع بعض
خدنا العالم جواً قلوبنا
يبقى إزاي تساويني بحد؟
والا تشوف غيري بعيونك
ياللي الليل من عشق سكونك
و نهاري بيرقص على لونك
لما أنادي عليك ألقاك
سابق عمرك جوا هواك
بتلبي الفرحة اللي بقلبي
وتخبي همومك وشجونك
وتركبي بساط الريح
وتعيشني في ربيع يومك

مـ انت الروح اللى انا باحياها

بتقربني من سما كونك

فـ انت ازاي تتساوى بحد؟

بس بجد انا عمري دا ليك

ولا يوم خُنتك أو جرّبت

حبك حصن كبير ومنيع

عامل حد و رافع سد



كمنجة

يا كمنجة إني وقسمي
واحكيالي عني تكلمي
انا مهما بان حربي سعيد
بيداري عنك دمعتي
ما أقدرش أسلم للفراق
وحبيبي ساكن مهجتي
ايه يهني طالت رحلتي
وطريقي آخره ... أوله
لو حتى غابت رفقتي
أمشييه لوحدي واكمله
أنا عمري ما لبست القناع
ولا حزني غير هيئتي
ورضيت أطول في الوداع

يمكن أصحاب دنيتي
 وأسألها فين بلد الحبيب
 اللي بناها العاشقين
 من كلمتي ...
 كل الطرق فيها سراپ
 خداع يا ويل المشتاقين
 مكتوب يدوبوا م الحنين
 ويعودوا تاني ل فرقتي
 يترجوا أوجاع الكمان
 تعزف كمان ...
 تنويعه ع الحلم الفتى
 أما أنا عاشقة الإيدين
 المعجونين حب وحنان
 حاملة برقصة تكون جنان
 مع حزن يُجبر لهفتي



فهرس المحتويات

5	الإهداء
7	لحظة خطر
9	شاغل روى
01	تايهه
21	كحك العيد
15	جناح بركه
17	نور الضل
81	تحت المطر
91	بعد الفراق
20	اهل الهوى
23	مزاااa
25	عشق الروح
62	حبايب
27	عقلي ناداني
82	وايه يعنى

92	تنهيدة
32	زى ضلَّك
33	صباح الفجر
34	عطر ضحككتك
53	عايزه من تاني
36	متزينه بالقمر
37	بليز استوب
38	الجمال
39	مصلوب
04	يا فُلّ
42	أنا فعلا كنت بهيه
44	رمضان
54	آآاه مـ القدر
94	برواز
51	رتوش
54	رشفة شاي
56	باب بيتنا

75	ضحكتك شمس
58	يناير
06	عيونك
36	طُول يَمَّكُ
46	تسالى
65	إيه يفيد
66	الفراق
67	البحر
69	عيونه العسلي
07	إِرْتَاَح
72	عسل توتك
37	فى القلب زرعك
76	طيفه
77	لِسَّه
87	هيل
97	مساء الخير
08	خايفه

- 18 لما اشتاق
- 83 ما بين انك .. وبين اني
- 58 حلوة مع ناسها
- 86 دموعك
- 78 كان يجرى إيه؟
- 90 الفنجان
- 91 سنابل
- 92 يشهد عليّ زماني
- 49 ساعة الحظ
- 95 راحة بال
- 69 اساويك بحد!!!
- 99 كمنجة